



**Coimisiún na Scrúduithe Stáit**  
State Examinations Commission

**Corr na Madadh, Baile Átha Luain, Co. na hIarmhí**  
Cornamaddy, Athlone, Co. Westmeath.

**S80/16**

**Oideachas Reiligiúnach – An Teastas Sóisearach**  
**Leabhráin Dialainne le Scrúdú in 2017**

***Chuig: Údaráis Bhainistíochta na Scoileanna Dara Leibhéal***

Mar is eol daoibh, tugadh isteach an siollabas san Oideachas Reiligiúnach ar bhonn céimnithe agus scrúdaíodh é den chéad uair i Scrúdú an Teastais Shóisearaigh in 2003.

Tugann an siollabas le fios go mbainfidh dhá ghné le measúnú an Oideachais Reiligiúnaigh –

- Páipéar scríofa cinn chúrsa agus
- obair dhialainne

Marcálfar an páipéar scríofa cinn chúrsa as 400 marc; marcálfar an obair dhialainne as 100 marc. Eisíodh na teidil don obair dhialainne sa Teastas Sóisearach in 2017 in éineacht le ciorclán S89/15.

Maidir leis na socruithe measúnachta gheobhaidh sibh é seo a leanas faoi iamh:

- Leabhrán Dialainne le haghaidh Oideachas Reiligiúnach an Teastais Shóisearaigh d'iarrthóirí a bheidh ag déanamh an scrúdaithe san Oideachas Reiligiúnach in 2017 amháin

Ba chóir do na hiarrthóirí cloí leis na treoirínte atá leagtha amach ar leathanach 2 den Dialann agus iad ag comhlánú na Leabhrán Dialainne.

**Dialanna obair chúrsa pro-forma a úsáid**

Ní mór do gach iarrthóir Leabhrán Dialainne a chomhlánú i gcaitheamh na scoilbhliana reatha mar atá sonraithe i gCiorclán S89/15. Déantar cinnte de, le bhur dtoil, go bhfuil dóthain cóipeanna den leabhrán ag an scoil agus mura bhfuil, gabhaigí i dteagmháil le Coimisiún na Scrúduithe Stáit láithreach.

**Ní eiseofar a thuilleadh leabhrán tar éis 31 Nollaig 2016.** Más mian le hiarrthóirí dul i dtaithe ar na dialanna pro-forma a chomhlánú sula dtosaíonn siad ar obair an scrúdaithe, iarrtar orthu sin a dhéanamh ar fhótachóipeanna de na dialanna pro-forma. Tá leabhrán samplach ar fail ar an suíomh gréasáin againn agus is féidir é a chóipeáil anuas mar mhaithe le cleachtadh. Déantar deimhin de nach mbainfear úsáid as le hobair a chur isteach chuig CSS nó measfar an obair a bheith neamhbhailí. Is féidir an leabhrán samplach a chóipeáil anuas ó rannóg an Oideachais Reiligiúnaigh faoi Scrúduithe/Obair Chúrsa Phraiticiúil ag an seoladh <https://www.examinations.ie/exam/project-practical-coursework>.

Ní sheolfaidh Coimisiún na Scrúduithe Stáit amach cóipeanna breise ar mhaithe le cleachtadh a dhéanamh ar dhialanna pro-forma a líonadh isteach.

Ní mór an obair dhialainne a chur isteach i bhfoirm chaighdeánach sa leabhrán a chuireann an Coimisiún ar fáil chun na críche sin. Ba chóir do gach iarrthóir AON dialann amháin a chur isteach.

### **An tábhacht a bhaineann lena dheimhniú gur obair indibhidiúil an iarrthóra féin atá sa Leabhrán Dialainne**

Obair scríofa indibhidiúil an iarrthóra féin amháin is cóir a bheith sa Leabhrán Dialainne. Ní glacfar le dialanna comhlánaithe le haghaidh measúnachta ach amháin ar an mbonn gur dheimhnigh údaráis na scoile, ar fhoirmeacha a chuirfidh an Coimisiún ar fáil, gur obair indibhidiúil na n-iarrthóirí féin atá iontu. Ba chóir do na múinteoirí monatóireacht rialta a dhéanamh ar dhul chun cinn obair na n-iarrthóirí. Ba chóir aird na n-iarrthóirí agus na múinteoirí go léir a dhíriú ar na ciorcláin S68/08 agus S69/04. **Tugtar do bhur n-aire, áfach, nach mór don iarrthóir an freagarleabhar pro-forma a scríobh é/í féin.** Tugadh treoracha maidir leis an gceist seo cheana féin le linn cruinnithe agus oiliúint inseirbhíse.

Déanfar fiosrú iomlán aon uair a bheidh amhras ann faoi chóipeáil, cúnamh míchuí ó pháirtí eile, bradaíl nó soláthar píosaí a d'ullmhaigh páirtí eile. Ba chóir na hiarrthóirí a chur ar an eolas faoi na pionóis is féidir a ghearradh faoi *Rialacha agus Clár do Mheánscoileanna*, ar a n-áirítear cailleadh an ábhair, cailleadh an scrúdaithe ar fad i ngach ábhar, nó a bheith toirmiscthe ó na Scrúduithe Teistiméireachta a dhéanamh sna blianta amach anseo.

Is féidir le hiarrthóirí ábhar a chur i láthair a eascraíonn as obair ghrúpa. Ní mór **obair indibhidiúil an iarrthóra féin** a shonrú go soiléir sa mhír sa dialann, áfach. Tá sé de fhreagracht ar **gach** iarrthóir sa ghrúpa a dheimhniú go gcuirtear a c(h)uid oibre féin i láthair go soiléir.

Ba chóir na Leabhráin Dialainne a chomhlánú faoi **28 Aibreán 2017**. Ar an dáta deiridh sin, ba chóir a threorú do na hiarrthóirí a Leabhrán Dialainne féin a chur isteach i gclúdach iarrthóra, a chuirfidh an Coimisiún ar fáil. Ní mór don iarrthóir a scrúduimhir a chur ar chumhdach an chlúdaigh seo. Nuair a bheidh an clúdach faoi shéala, ba chóir don iarrthóir é a thabhairt ar láimh d'údaráis na scoile. Iarrtar ar na scoileanna na clúdaigh ar fad a bhaineann leis na Leabhráin Dialainne a choinneáil ar láimh shábháilte go dtí lá an scrúdaithe scríofa.

Ba chóir do na hiarrthóirí a Scrúduimhir a scríobh sna boscaí cuí. Seolfar clúdaigh a bhfuil dearadh ar leith orthu chun na scoileanna in am trátha.

### **Freagairt trí Ghaeilge**

Tugtar do bhur n-aire nach mbronnfar marcanna bónais ar aon obair chúrsa a dhéanfar trí Ghaeilge, mar is amhlaidh i gcás na scrúduithe eile ar fad a bhfuil comhpháirteanna iontu seachas an scrúdú scríofa foirmiúil.

Iarrtar oraibh an ciorclán seo a chur faoi bhráid na múinteoirí agus na mac léinn a mbaineann sé leo. Má bhíonn aon cheist agaibh déanaigí teagmháil le Coimisiún na Scrúduithe Stáit ag 090 644 2746/2750, le bhur dtoil.

Philoméin Ní Mhaoilmhichil  
Oifigeach Foirne  
Deireadh Fómhair 2016